

ডিপ্লোমা কৃষিবিদ ইনস্টিটিউশন, বাংলাদেশ

প্রধান কার্যালয়

১৪৬/১, জাফরাবাদ, শংকর, পশ্চিম ধানমন্ডি, ঢাকা-১২০৭।

ফোনঃ ০২-৫৮১৫২৯২২, ০২-৫৮১৫২৯২৩, ই-মেইলঃ dkibbd@gmail.com, ওয়েবঃ www.dkib.org

০৯/১১/২০১৯ইং তারিখে অনুষ্ঠিত ডিপ্লোমা কৃষিবিদ ইনস্টিটিউশন, বাংলাদেশ এর কেন্দ্রীয় নির্বাহী কমিটির সভার কার্যবিবরণীঃ

অদ্য ০৯/১১/২০১৯ইং শনিবার সকাল ১০.০০ ঘটিকায় ডিপ্লোমা কৃষিবিদ ইনস্টিটিউশন, বাংলাদেশ এর কেন্দ্রীয় নির্বাহী কমিটির সভা সংগঠনের প্রধান কার্যালয়ে অনুষ্ঠিত হয়। সভায় সভাপতিত্ব করেন জনাব এ টি এম আবুল কাশেম, সভাপতি, ডিপ্লোমা কৃষিবিদ ইনস্টিটিউশন, বাংলাদেশ, কেন্দ্রীয় নির্বাহী কমিটি। সভা পরিচালনা করেন জনাব মোঃ আলফাজ উদ্দিন, মহাসচিব, ডিপ্লোমা কৃষিবিদ ইনস্টিটিউশন, বাংলাদেশ, কেন্দ্রীয় নির্বাহী কমিটি।

সভার শুরুতে পবিত্র কোরআন তেলাওয়াত করেন জনাব একেএম আব্দুস সাত্তার করিম, সহ-সাংগঠনিক সম্পাদক, ডিপ্লোমা কৃষিবিদ ইনস্টিটিউশন, বাংলাদেশ, পবিত্র গীতা পাঠ করেন বাবু নারায়ন চন্দ্র নাথ, সহ-সভাপতি, ডিপ্লোমা কৃষিবিদ ইনস্টিটিউশন, বাংলাদেশ, পবিত্র ত্রিপিঠক পাঠ করেন বাবু শান্তিময় চাকমা, সহ-সাংগঠনিক সম্পাদক, কেন্দ্রীয় নির্বাহী কমিটি।

গত সভার পর হতে অদ্যাবদি যে সকল ডিপ্লোমা কৃষিবিদ মৃত্যুবরণ করেছেন তাদের আত্মার মাগফেরাত কামনা করা হয় এবং যে সকল ডিপ্লোমা কৃষিবিদ অসুস্থ আছেন তাদের সুস্থতা কামনা করে দোয়া পরিচালনা করেন জনাব একেএম আব্দুস সাত্তার করিম, সহ-সাংগঠনিক সম্পাদক, ডিপ্লোমা কৃষিবিদ ইনস্টিটিউশন, বাংলাদেশ, কেন্দ্রীয় নির্বাহী কমিটি।

সভার শুরুতে স্বাগত বক্তব্য রাখেন সভাপতি জনাব এ টি এম আবুল কাশেম। তিনি ৩রা নভেম্বর জেল হত্যা দিবসে শহীদ জাতীয় চার নেতাকে গভীর শ্রদ্ধার সাথে স্মরণ করেন। তিনি বীর মুক্তিযোদ্ধা মইন উদ্দিন খান বাদল, মাননীয় সংসদ সদস্য, চট্টগ্রাম-০৮ এর অকাল মৃত্যুতে গভীর শোক প্রকাশ করেন। তিনি বাংলাদেশ কৃষক লীগের সম্মেলনে সভাপতি পদে কৃষিবিদ সমীর চন্দ্র চন্দ এবং সাধারণ সম্পাদক পদে উম্মে কুলসুমকে নির্বাচিত করায় ডিপ্লোমা কৃষিবিদ ইনস্টিটিউশন, বাংলাদেশ এর পক্ষ থেকে ধন্যবাদ জ্ঞাপন করেন। তিনি উপ-সহকারী কৃষি কর্মকর্তা/সমমানদের Self Drawing Officer হিসেবে ১০ম গ্রেড বেতন স্কেল বাস্তবায়নে Fixation পদ্ধতির অগ্রগতি, উপ-সহকারী কৃষি কর্মকর্তা/সমমান পদ থেকে সহকারী কৃষি সম্প্রসারণ কর্মকর্তা পদে পদোন্নতি, ২০% কোটায় পদোন্নতিসহ সাংগঠনিক অগ্রগতির বিষয়ে আলোচনা করেন। ২৩ অক্টোবর ২০১৯ ডিপ্লোমা কৃষিবিদ দিবস সফলভাবে উদযাপনের জন্য কেন্দ্রীয় নির্বাহী কমিটির সকল সদস্যসহ অংশ গ্রহণকারী জেলা সমূহকে ধন্যবাদ জানান এবং গত সভার পর হতে অদ্যাবদি আরও যে সকল সাংগঠনিক কার্যক্রম গ্রহণ করা হয়েছে তার উপর বিস্তারিত আলোচনা করেন। তিনি মহাসচিব সাহেবকে সভার আলোচ্য সূচীর উপর আলোচনা করার আহ্বান জানান।

মহাসচিব জনাব মোঃ আলফাজ উদ্দিন উপস্থিত সকলকে ধন্যবাদ জানিয়ে সভার কার্যক্রম শুরু করেন এবং অদ্যকার সভার আলোচ্যসূচীর উপর আলোচনা করেন।


অতপর গত ১০/১০/২০১৯ইং তারিখের কেন্দ্রীয় নির্বাহী কমিটির কার্যবিবরণী সভায় উপস্থাপনের পর সর্বসম্মতিক্রমে অনুমোদন করা হয়।

সভায় আলোচ্যসূচীর উপর আলোচনা ও পর্যালোচনার পর নিম্নবর্ণিত সিদ্ধান্ত সমূহ গৃহীত হলোঃ-

সিদ্ধান্ত-০১ঃ অদ্য ০৯/১১/২০১৯ইং তারিখে সংগঠিত ঘূর্ণিঝড় “বুলবুল” শুরু হয়ে বাংলাদেশের উপকূলবর্তী এলাকা সহ সমগ্র দেশের ফসলী জমি, গবাদি পশু ও ঘরবাড়ির উপর যে ক্ষতিকর প্রভাব ফেলতে পারে এবং কৃষকদের যে পরিমান ক্ষতি হওয়ার সম্ভাবনা আছে সে ব্যাপারে মাঠে ময়দানে কর্মরত উপ-সহকারী কৃষি কর্মকর্তা/ সমমানদের কৃষকদের পাশে থেকে তাদেরকে সহযোগিতা করার জন্য উদাত্ত আহ্বান জানানো হলো।

সিদ্ধান্ত-০২ঃ (ক) কৃষি সম্প্রসারণ অধিদপ্তরসহ বিভিন্ন/সংস্থায় কর্মরত উপ-সহকারী কৃষি কর্মকর্তা/ সমমানদের বেতনস্কেল ১১তম গ্রেড থেকে ১০ম গ্রেডে উন্নীত করার জন্য কৃষি মন্ত্রণালয়ের স্মারক নং ১০৪১ তারিখ ২২/১০/২০১৮ মূলে যে প্রজ্ঞাপন জারী করা হয়েছে তাতে ২য় শ্রেণীর গেজেটেড পদমর্যাদার বিষয়ে কোন সুনির্দিষ্ট দিক নির্দেশনা না থাকায় মাঠে ময়দানে কর্মরত উপ-সহকারী কৃষি কর্মকর্তা/সমমানগণ গভীর ক্ষোভ ও হতাশায় ভুগছেন। অনতিবিলম্বে ডিপ্লোমা ইঞ্জিনিয়ারদের ন্যায় ২য় শ্রেণীর গেজেটেড পদমর্যাদা প্রদানের সুব্যবস্থা করার জন্য মাননীয় সচিব, কৃষি মন্ত্রণালয় এবং মাননীয় মন্ত্রী মহোদয়, কৃষি মন্ত্রণালয় বরাবর জোর দাবী জানানো হলো।

(খ) গত ০২/১০/২০১৯ইং তারিখে স্মারক নং ১১২ মূলে অর্থ মন্ত্রণালয় বাস্তবায়ন অনুবিভাগ অধিশাখা-৪ কর্তৃক কৃষি সম্প্রসারণ অধিদপ্তরসহ বিভিন্ন বিভাগ/ সংস্থায় কর্মরত উপ-সহকারী কৃষি কর্মকর্তা/সমমান পদধারীদেরকে Self Drawing Officer হিসেবে বেতন প্রাপ্তির সম্মতি জ্ঞাপন করায় মাননীয় অর্থ মন্ত্রী মহোদয়সহ ডিপ্লোমা কৃষিবিদ ইনস্টিটিউশন, বাংলাদেশ, কুমিল্লা, লক্ষীপুর ও নরসিংদী জেলা শাখার সংশ্লিষ্ট সকল নেতৃবৃন্দকে অত্র সংগঠনের পক্ষ থেকে ধন্যবাদ জ্ঞাপন করা হলো।



(গ) গত ২২/১০/২০১৮ইং তারিখে স্মারক নং ১০৪১ মূলে কৃষি মন্ত্রণালয়ের জি.ও জারীর পর গত ১৯/০৩/২০১৯ইং তারিখে স্মারক নং ১৭১২(১২৮২) এর মাধ্যমে মহাপরিচালক, কৃষি সম্প্রসারণ অধিদপ্তর পৃষ্ঠাংকন করে কৃষি সম্প্রসারণ অধিদপ্তরের সকল স্তর সহ প্রয়োজনীয় স্থানে পত্র প্রেরণ করেন। উপজেলা কৃষি কর্মকর্তা/মেট্রোপলিটন কৃষি অফিসার/থানা সার্কেল কৃষি অফিসার/যথাযথ কর্তৃপক্ষ কর্তৃক উক্ত পত্রটি সংশ্লিষ্ট সকল উপ-সহকারী কৃষি কর্মকর্তা/সমমানদেরকে পৃষ্ঠাংকন করে কর্মরত সকল ডিপ্লোমা কৃষিবিদ উপ-সহকারী কৃষি কর্মকর্তা/সমমানদের সার্ভিস বহিতে লিপিবদ্ধ করার সুব্যবস্থা গ্রহণের জন্য সংশ্লিষ্ট কর্মকর্তাদেরকে অনুরোধ করা হলো। এ ব্যাপারে প্রয়োজনীয় ব্যবস্থা গ্রহণের জন্য মহাপরিচালক, কৃষি সম্প্রসারণ অধিদপ্তর মহোদয়কে অনুরোধ করা হলো।

সিদ্ধান্ত-০৩ঃ কৃষি সম্প্রসারণ অধিদপ্তরে কর্মরত ডিপ্লোমা কৃষিবিদ সহকারী কৃষি সম্প্রসারণ কর্মকর্তা/সমমান পদধারীগণকে বি.সি.এস (কৃষি) ক্যাডারের প্রারম্ভিক পদে পদোন্নতির মাধ্যমে বর্তমান ২০% হারে প্রাপ্ত কৃষি ক্যাডারের প্রারম্ভিক এইও/সমমান পদের শূন্য পদে চলতি দায়িত্ব প্রদানের মাধ্যমে পদায়নের জন্য সংশ্লিষ্ট কর্তৃপক্ষকে বিশেষভাবে অনুরোধ করা হলো।

সিদ্ধান্ত-০৪ঃ বি.সি.এস (কৃষি) ক্যাডারের প্রারম্ভিক পদে ডিপ্লোমা কৃষিবিদদের পদোন্নতির কোটা ডিপ্লোমা প্রকৌশলীদের ন্যায় ২০% থেকে ৩৩.৩৪% এ উন্নীত করণের ব্যাপারে কৃষি মন্ত্রণালয় সহ কৃষি সম্প্রসারণ অধিদপ্তরকে বিশেষভাবে অনুরোধ করা হলো।

সিদ্ধান্ত-০৫ঃ কৃষি সম্প্রসারণ অধিদপ্তরে রিভিজিট বাস্তবায়নের পূর্বের এল.আর পদসহ উপজেলা, জেলা এবং অঞ্চলের অফিসগুলোতে উপ-সহকারী কৃষি কর্মকর্তা/সমমানদের প্রয়োজনীয় সংখ্যক পদ সৃষ্টি করার জন্য মাননীয় মহাপরিচালক, কৃষি সম্প্রসারণ অধিদপ্তর এবং মাননীয় সচিব, কৃষি মন্ত্রণালয় মহোদয়কে অনুরোধ করা হলো।

সিদ্ধান্ত-০৬ঃ কৃষি সম্প্রসারণ অধিদপ্তরের মাঠ পর্যায়ে কর্মরত উপ-সহকারী কৃষি কর্মকর্তা/সমমান পদধারীদের নির্ধারিত ভ্রমণ ভাতা ২০০/- (দুইশত) টাকা থেকে বৃদ্ধি করে ৩০০০/- (তিন হাজার) টাকায় উন্নীত করার প্রয়োজনীয় ব্যবস্থা গ্রহণের জন্য মাননীয় মহাপরিচালক, কৃষি সম্প্রসারণ অধিদপ্তর মহোদয়কে অনুরোধ করা হলো।

সিদ্ধান্ত-০৭ঃ ডিপ্লোমা কৃষিবিদ ইনস্টিটিউশন, বাংলাদেশ এর গঠনতন্ত্রের ২০.২ অনুচ্ছেদ অনুযায়ী সংগঠনের কার্যাবলী সুষ্ঠু ও সুচারুরূপে সম্পাদন এবং জাতীয় নীতি নির্ধারণের নিমিত্তে কেন্দ্রীয় নির্বাহী কমিটিকে পরামর্শ ও সহযোগীতা প্রদানসহ জাতীয় এবং কেন্দ্রীয় নির্বাহী কমিটি কর্তৃক প্রদেয় দায়িত্ববলী পালন করার জন্য জনাব অরুণ কান্তি রায়, এসএএও(অবসর প্রাপ্ত), সুনামগঞ্জ সদর এবং সাবেক সহ-সভাপতি (সিলেট অঞ্চল), কেনিক কে কেন্দ্রীয় পর্যায়ে উপদেষ্টা হিসেবে মনোনীত করা হলো।

সিদ্ধান্ত-০৮ঃ ডিপ্লোমা কৃষিবিদ ইনস্টিটিউশন, বাংলাদেশ, কেন্দ্রীয় নির্বাহী কমিটির সহ-সাংগঠনিক সম্পাদক (বগুড়া অঞ্চল) পদটি শূন্য থাকায় উক্ত পদে জনাব মোঃ জহুরুল ইসলাম, উপ-সহকারী কৃষি কর্মকর্তা, উপজেলা কৃষি অফিস, রায়গঞ্জ, সিরাজগঞ্জকে গঠনতন্ত্রের ৮.৩ ধারা মোতাবেক কো-অপ্ট করার সিদ্ধান্ত গৃহীত হলো।


সিদ্ধান্ত-৯ঃ (ক) গত ০৮/০৯/২০১৯ইং তারিখে কেন্দ্রীয় নির্বাহী কমিটির যে ৮জন সদস্য পদত্যাগ করেছিলেন তন্মধ্যে সাহিত্য, সংস্কৃতি ও ক্রীড়া বিষয়ক সম্পাদক জনাব মোঃ রফিকুল ইসলাম সংগঠনের সিনিয়র নেতৃত্ববৃন্দের সাথে গঠনমূলক আলোচনার প্রেক্ষিতে গত ১২/১০/২০১৯ইং তারিখে পদত্যাগপত্র প্রত্যাহার করায় অত্র সভার পক্ষ থেকে তাকে ধন্যবাদ জ্ঞাপন করা হলো। তার পদত্যাগপত্র সংক্রান্ত আবেদন পত্রটি গ্রহণ করা হলো। তাকে তার উপর অর্পিত সাংগঠনিক দায়িত্ব যথাযথভাবে পালন করার জন্য আহ্বান জানানো হলো।

(খ) পদত্যাগকারী নেতৃত্ববৃন্দের মধ্যে যে সব নেতৃত্ববৃন্দ এখনো পদত্যাগপত্র প্রত্যাহার করেন নাই তাদেরকে দ্বিধাঘন্ব ভুলে গিয়ে পরস্পরের প্রতি শ্রদ্ধাঘোষ রেখে সংগঠনের ঐক্যের স্বার্থে আগামী ৩০/১১/২০১৯ইং তারিখের মধ্যে পদত্যাগপত্র নিঃশর্তভাবে প্রত্যাহার করার জন্য পুনরায় অনুরোধ করা হলো।

সিদ্ধান্ত-১০ঃ গত ২৩ অক্টোবর ২০১৯ তারিখে বাংলাদেশ পাট গবেষণা ইনস্টিটিউট, মানিক মিয়া এভিনিউ, শেরে বাংলা নগর, ঢাকায় মাননীয় প্রতিমন্ত্রী জনপ্রশাসন মন্ত্রণালয়কে প্রধান অতিথি করে ডিপ্লোমা কৃষিবিদ দিবস পালন উপলক্ষে একটি সফল আলোচনা সভা অনুষ্ঠিত হওয়ায় প্রধান অতিথি মাননীয় প্রতিমন্ত্রী মহোদয় উপস্থিত বিশেষ অতিথিবৃন্দসহ উপস্থিত সকল সদস্যদেরকে ধন্যবাদ জ্ঞাপন করা হয়। উক্ত কাজে বিশেষভাবে সহযোগীতা করার জন্য ডিপ্লোমা কৃষিবিদ ইনস্টিটিউশন, বাংলাদেশ, মেহেরপুর জেলা শাখার সভাপতি, সাধারণ সম্পাদক ও উক্ত জেলায় কর্মরত উপ-সহকারী কৃষি কর্মকর্তা মোছাঃ চায়না বেগমকে ধন্যবাদ জ্ঞাপন করা হলো।

সিদ্ধান্ত-১১ঃ ডিপ্লোমা কৃষিবিদ ইনস্টিটিউটশন, বাংলাদেশ, কেন্দ্রীয় নির্বাহী কমিটির কাজকে গতিশীল করার লক্ষ্যে নিম্নবর্ণিত ১০ সদস্য বিশিষ্ট টেকনিক্যাল কমিটি করা হলো।

- | | | |
|---|----------------------------|-----------------------------------|
| ০১। এ টি এম আবুল কাশেম সভাপতি | ০২। আলাউদ্দিন আহমেদ | সিনিয়র সহ-সভাপতি |
| ০৩। মোঃ আলফাজ উদ্দিন মহাসচিব | ০৪। মোঃ আবুল বাসার | যুগ্ম মহাসচিব |
| ০৫। শেখ শহীদ মোঃ আব্বাছ সাংগঠনিক সম্পাদক | ০৬। মোঃ সেকেন্দার তালুকদার | অর্থ সম্পাদক |
| ০৭। বাবু দ্বিপায়ন বড়ুয়া নির্বাহী সদস্য | ০৮। মোঃ সেলিম হোসেন ভূইয়া | চাকুরী ও আইন বিষয়ক সম্পাদক |
| ০৯। মোঃ ওবায়দুল্লাহ নির্বাহী সদস্য | ১০। এইচ এম কাওছার আহমেদ | তথ্য ও আন্তর্জাতিক বিষয়ক সম্পাদক |



সিদ্ধান্ত-১২ঃ (ক) গত ১০/১০/২০১৯ থেকে ০৮/১১/২০১৯ ইং পর্যন্ত ভাউচার নং ৮৯১ থেকে ১০১১ পর্যন্ত মোট ১২১টি ভাউচারে খরচ হয়েছে ৩,৭১,৩৮০/- (তিন লক্ষ একসত্তর হাজার তিনশত আশি) টাকা। অদ্যকার সভায় উক্ত খরচের ভাউচার অনুমোদন করা হলো। বর্তমানে সংগঠনের তহবিলে সর্বমোট ৮১,৪৩,৫৬১/- (একশি লক্ষ তেতাল্লিশ হাজার পাঁচশত একষড়ি) টাকা জমা আছে।

(খ) গত ১০/১০/২০১৯ থেকে ০৮/১১/২০১৯ ইং পর্যন্ত কল্যাণ তহবিলে বর্তমানে সর্বমোট ১৮,৬৯,২১২/- (আঠারো লক্ষ ঊনসত্তর হাজার দুইশত বার) টাকা জমা আছে।

সিদ্ধান্ত-১৩ঃ বিবিধ

বর্তমান কেন্দ্রীয় নির্বাহী কমিটির মেয়াদকালীন সময়ের জন্য অভ্যন্তরীণ নিরীক্ষা করার নিমিত্তে জাতীয় কমিটি থেকে প্রাপ্ত সদস্যদের মধ্য থেকে নিম্নোক্ত ৩ জনকে নিয়ে অভ্যন্তরীণ নিরীক্ষা কমিটি গঠন করা হলো।

- | | |
|---|---------|
| ১। জনাব মোঃ ছিদ্দিকুর রহমান, সভাপতি, বরিশাল অঞ্চল শাখা | আহবায়ক |
| ২। জনাব মোঃ আবুল কাশেম, সভাপতি, ঢাকা জেলা শাখা। | সদস্য |
| ৩। জনাব মোঃ এজার উদ্দীন সরকার, সভাপতি, দিনাজপুর অঞ্চল শাখা। | সদস্য |

পরিশেষে সভার সভাপতি উপস্থিত সকল নেতৃবৃন্দকে সংগঠনের বৃহত্তর স্বার্থে পারস্পরিক সৌহার্দ ও সম্প্রীতি বজায় রেখে বিভাগীয় ও সাংগঠনিক কার্যক্রমকে ত্বরান্বিত করার লক্ষ্যে অর্পিত দায়িত্ব পালনে আন্তরিক হওয়ার অনুরোধ করে কৃষকদের আর্থ-সামাজিক উন্নয়নে নিজ নিজ দায়িত্ব যথাযথভাবে পালনের উদাত্ত আহবান জানান এবং উপস্থিত নেতৃবৃন্দকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-এ টি এম আবুল কাশেম
সভাপতি
ডিপ্লোমা কৃষিবিদ ইনস্টিটিউশন, বাংলাদেশ
০১৭১১-৪৮৮৪২৫

স্মারক নং-২৭৩(৬০)

তারিখঃ ০৯/১১/২০১৯ইং

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো (জ্যেষ্ঠতার ক্রমানুসারে নয়)ঃ

০১. মাননীয় প্রধানমন্ত্রী, গণপ্রজাতন্ত্রী বাংলাদেশ সরকার।
০২. মাননীয় মন্ত্রী, অর্থ মন্ত্রণালয়, গণপ্রজাতন্ত্রী বাংলাদেশ সরকার।
০৩. মাননীয় মন্ত্রী, কৃষি মন্ত্রণালয়, গণপ্রজাতন্ত্রী বাংলাদেশ সরকার।
০৪. মাননীয় সভাপতি, কৃষি মন্ত্রণালয় সম্পর্কিত সংসদীয় স্থায়ী কমিটি।
০৫. মাননীয় সচিব, অর্থ মন্ত্রণালয়, বাংলাদেশ সচিবালয়, ঢাকা।
০৬. মাননীয় সচিব, কৃষি মন্ত্রণালয়, বাংলাদেশ সচিবালয়, ঢাকা।
০৭. মাননীয় মহা-পরিচালক, কৃষি সম্প্রসারণ অধিদপ্তর, খামারবাড়ি, ঢাকা।
০৮. মাননীয় মহাপরিচালক, বি.এ.আর.আই/বি.আর.আর.আই/ বি.জে.আর.আই/ বিনা/ বি.এস.আর.আই,
০৯. মাননীয় নির্বাহী পরিচালক, তুলা উন্নয়ন বোর্ড, খামারবাড়ি, ঢাকা/বরেন্দ্র বহুমুখী উন্নয়ন কর্তৃপক্ষ, রাজশাহী,
১০. মাননীয় পরিচালক,
১১. মাননীয় অধ্যক্ষ, কৃষি প্রশিক্ষণ ইনস্টিটিউট(এটিআই),
১২. সভাপতি/মহাসচিব, বঙ্গবন্ধু ডিপ্লোমা কৃষিবিদ পরিষদ।
১৩. সভাপতি/সাধারণ সম্পাদক, কৃষি প্রশিক্ষণ ইনস্টিটিউট (এটিআই),
১৪. ডিপ্লোমা কৃষিবিদ ইনস্টিটিউশন, বাংলাদেশ, কেন্দ্রীয় নির্বাহী কমিটির সকল কর্মকর্তাবৃন্দ।
১৫. সভাপতি/সাধারণ সম্পাদক, ডিপ্লোমা কৃষিবিদ ইনস্টিটিউশন, বাংলাদেশ, অঞ্চল/জেলা/ঢাকা মহানগর/সংস্থা শাখা।
১৬. সভাপতি/সাধারণ সম্পাদক, ডিপ্লোমা কৃষিবিদ ইনস্টিটিউশন, বাংলাদেশ, উপজেলা শাখা, জেলা।
১৭. জনাব


(মোঃ আলফারুজ উদ্দিন)

মহাসচিব
ডিপ্লোমা কৃষিবিদ ইনস্টিটিউশন, বাংলাদেশ
০১৮১৯-৪২৫০১৫